

Berita-berita Ringkas Dari Alam Islami

Ramai ahli-ahli siyasah dan ulama Moroko telah mengemukakan tuntutan kepada orang-orang yang berpengaruh daripada orang-orang Arab dan Muslim di dalam dunia untuk mencampuri hal ehwal tuntutan *Ikhwān al-Muslimīn* yang dipenjarakan dan dianiaya serta dilayan dengan sewenang-wenang oleh kerajaan Mesir. Naskhah-naskhah salinan tuntutan itu telah pun dihantar kepada duta-duta negara-negara Islam dan Arab yang berada di Moskow.

Di dalam tuntutan itu khususnya diminta supaya anak daripada almarhum ketua *Ikhwān al-Muslimīn* Ḥassan al-Huḍābi dan juga seorang penulis terkenal Muḥammad Quṭb saudara kepada Sayyid Quṭb yang telah naik di tiang gantungan oleh pemerintah Mesir diberikan layanan yang sebaiknya.

* * *

Menurut Radio Kolong telah menyatakan bahawa suatu perjanjian telah diikat di antara kerajaan Mesir dan Jerman Barat di bawah jangka menolong Mesir di dalam perkara kewangan dan teknik kerana melawan sejenis penyakit. Tempat mengadakan rundingan itu ialah di Rom dan tidak di Kaherah atau dibuat di Bonn (ibu negeri Jerman Barat) dan dengan yang demikian negeri-negeri Arab yang dituntut oleh Mesir memutuskan perhubungannya dengan Jerman Barat kerana Jerman Barat telah menghantar ekonomi kapada Israel tak dapat mencium bau atau mengetahui hal ini.

* * *

Dalam kerjasama di antara Jordan Sa'udi 'Arabiyya dalam bahagian pelajaran maka sekarang di Sa'udi 'Arabiyya telah ada guru-guru lelaki dan perempuan dari Jordan sebanyak 5,000 orang mengajar di sana – demikianlah kenyataan daripada Dr. Muḥammad Nawāwī Shafiq.

* * *

Didalam rangka menganggaran merangsang bandar

Madinah maka bandar itu akan dipermodenkan dengan rumah-rumah lama di sekeliling masjid-masjid akan dipecahkan dan diganti dengan yang baharu.

Al-Amīr 'Abd al-Muhsin ibn 'Abd al-'Azīz, *Amīr* Madinah, telah memerintahkan Majlis Bandaran merobohkan rumah-rumah lama secepat mungkin dan tidak meminta supaya kerja-kerja memecahkan itu dibuat tinda supaya pekerjaan itu cepat dan segera dibuat. *al-Amīr* itu juga telah memerintahkan Jemaah Bandaran memulakan kerja-kerja permulaan apabila sahaja rumah-rumah lama sudah dirobohkan dan dengan demikian Madinah al-Nabī akan menjadi satu tempat yang berupa bandar baharu.

* * *

Menurut berita dari Mekah sebuah hospital khas bagi perempuan telah dibina. Dr. Sulaymān Faqīh dari Iyād Hospital dan Pengarah daripada Hospital Perempuan telah menyatakan bahawa satu bahagian berkenaan dengan melayan ibu-ibu dan kanak-kanak telah diadakan sebagai bahagian luar dan melawat rumah-rumah dengan tidak dikenakan apa-apa bayaran. Bahagian ini akan memeriksa

orang sakit dan yang hamil dan boleh datang beranak ke klinik ataupun ke rumah dan mana-mana perkara yang mustahak akan dihantar ke hospital dengan segera dan perkhidmatan dilakukan 24 jam sehari semalam. Bantuan-bantuan dan perkhidmatan datang ke rumah tidak dikenakan apa-apa bayaran dan juga susu dan makanan kanak-kanak dengan tidak ada bayaran apa-apa kepada orang-orang yang miskin dan berhajat – kata Dr. Faqīh.


* * *

Jam'iyyah di dalam mesyuarat agungnya baru-baru ini telah mengutus sepuak telegram kepada Al-Malik Fayṣal mengucapkan setinggi-tinggi terima kasih atas bantuan Raja Sa'udī 'Arabīyya itu dalam binaan semula bangunannya yang berharga lebih daripada \$170,000.

Patut disebut hadiah yang pertama yang disampaikan untuk binaan bangunan itu adalah sebanyak \$127,000 duit Malaysia, kemudian apabila tafsiran bangunan itu kurang maka menerusi Datuk Syed Ibrahim, suatu permohonan dikemukakan lagi dan akhirnya didapat lagi bantuan sebanyak £20,000.

Bangunan Jam'iyyah yang lama sudah pun diruntuhkan dan bangunan baru sedang didirikan di tapak tanah yang lama itu.

* * *



Setelah Mesir berada di bawah naungan pemerintahan Islam beribu-ribu masjid besar dan kecil dibangunkan, di antaranya ialah Masjid Sultan Barkuk yang tertera gambarnya di atas.

Menurut berita dari Oman – ibu negara Jordan – Shah Iran telah mengundang *Malik Husin* untuk mengadakan lawatan rasmi ke Iran. *Malik Husin* telah menerima undangan tersebut dan dalam sedikit masa lagi baginda akan menetapkan masa yang munasabah untuk baginda mengadakan lawatan ke Iran itu.

* * *

Berita dari Baghdad: *President Iraq Al-Sayyid Abd al-Rahman ‘Arif* telah mengadakan suatu perjumpaan khas dengan satu rombongan tentera dari Iran yang sedang mengadakan kunjungannya ke negara Iraq sekarang. *President*

‘Arif telah menyatakan kegembiraannya atas perhubungan yang begitu teguh dan rapat di antara kedua-dua negeri, dan mengharapkan dengan adanya kunjungan secara mesra di antara kedua belah

pihak, maka rasa persaudaraan Islam semakin seharian semakin bertambah teguh dan erat.

* * *

Berita dari Dakka: Suatu ribut taufan yang paling kencang telah berlaku di dalam enam buah kampung di daerah Dakka dan Komila di Pakistan Timur yang menyebabkan 18 orang dijangkakan terbunuh dan 200 orang yang lain mendapat kecederaan. Ribut kencang itu bertiup dengan hebatnya selama 20 minit dan meruntuhkan beratus-ratus buah rumah kampung.

* * *

Berita rasmi dari *Associated Press* menyatakan dari Aden bahawa pemerintah “Persatuan Arab” telah mengutus telegraf kepada kerajaan Mesir supaya memberhentikan segala

gerakan sabotaj yang dilakukan di Aden untuk menjaga keselamatan orang-orang yang tidak berdosa.

Telegraf yang diutus kepada kerajaan Mesir itu adalah ditanda tangani oleh *Al-Sultān Shālih al-‘Udhulī President Majlis Tertinggi Federal* selepas berlakunya suatu letupan *timing bomb* yang diletakkan di bawah tempat duduk sebuah kereta sewa khas membawa murid-murid sekolah. Dalam kejadian yang mengerikan itu membawa kepada terbunuhnya delapan orang murid-murid sekolah dan beberapa orang yang lain tercedera parah.

Kata *Al-Sultān Shālih al-‘Udhulī* perbuatan-perbuatan sabotaj itu adalah dilakukan oleh orang-orang yang benci kepada terbentuknya pemerintah “Persatuan Arab” di bawah arahan kerajaan Mesir.